

1. Reforzar e ampliar as actuacións dirixidas á redución do abandono educativo temperán, consolidando as políticas que veñen demostrando un impacto positivo na evolución desta taxa en Galicia, co obxectivo de manter a Comunidade por debaixo da media estatal.

2. Desenvolver medidas específicas para abordar a brecha de xénero no abandono educativo temperán a través de actuacións adaptadas ás súas realidades educativas, sociais e laborais no marco do Plan FPGAL360.»

Rexeitamento da iniciativa

- 4107 (12/PNC-000505)

Grupo Parlamentario Socialista de Galicia

Longueira Castro, Silvia e Abalde Alonso, Julio Ernesto

Sobre as medidas que o Goberno galego debe pór en marcha para aplicar á súa política de apoio á actividade artística e creativa galega

BOPG nº 28f1, do 22.05.2024

Sométese a votación e resulta rexeitada por 8 votos a favor, 9 votos en contra e 0 abstencións.

- 51934 (12/PNC-004095)

Grupo Parlamentario do Bloque Nacionalista Galego

Chao Rivas, Saleta e Fernández Davila, María Cristina

Sobre as medidas que debe tomar a Xunta de Galicia respecto da dotación de profesorado especialista nos centros educativos do concello de Ordes

BOPG n.º 344f2, do 04.03.2026

Sométese a votación e resulta rexeitada por 8 votos a favor, 9 votos en contra e 0 abstencións.

Santiago de Compostela, 16 de abril de 2026

María Montserrat Prado Cores

Vicepresidenta 2ª

3. Administración do Parlamento de Galicia

3.2. Recursos humanos

Acordo da Mesa do Parlamento, do 14 de abril de 2026, pola que se resolve o proceso selectivo para ingresar, por concurso-oposición, nunha praza do corpo auxiliar reservada para ser cuberta por unha persoa que acredite discapacidade intelectual, convocado por acordo da Mesa do Parlamento de Galicia do 24 de xullo de 2024

Por acordo da Mesa do Parlamento do 24 de xullo de 2024 anúnciase o proceso selectivo para ingresar, por concurso-oposición, nunha praza do corpo auxiliar reservada para ser cuberta por unha persoa que acredite discapacidade intelectual, e apróbanse as bases reguladoras (*DOG* núm. 174, do 10 de setembro 2024).



O tribunal cualificador, na súa sesión do 11 de marzo de 2026, acordou publicar a proposta definitiva das persoas seleccionadas coa cualificación total obtida na fase de oposición e na fase de concurso e propoñerlle á Mesa do Parlamento a finalización do proceso selectivo e o nomeamento de Adrián Tato Otero como persoal funcionario de carreira do corpo auxiliar (grupo D) do Parlamento de Galicia.

Xa que logo, en cumprimento do artigo 7.4 das bases do antedito procedemento, a Mesa, na súa sesión do 14 de abril de 2026, adoptou o seguinte ACORDO:

1º. Finalizar o proceso selectivo para o ingreso, por concurso-oposición, nunha praza do corpo auxiliar reservada para ser cuberta por unha persoa que acredite discapacidade intelectual e aprobar o seu resultado a favor de Adrián Tato Otero como persoal funcionario de carreira do corpo auxiliar (grupo D) do Parlamento de Galicia.

2º. Notificarlle este acordo a Adrián Tato Otero, quen, de conformidade coa base oitava, disporá dun prazo de vinte días naturais, contados a partir do día seguinte ao da publicación no *Boletín Oficial do Parlamento de Galicia*, para presentar a documentación prevista na citada base.

3º. Constituír, consonte o disposto na base décima da convocatoria, unha lista de espera para cubrir as necesidades eventuais de persoal que puideren xurdir, en condición de persoal funcionario interino, coas persoas que superaron a fase de oposición, con expresión da puntuación total acadada, determinada pola suma da puntuación obtida na fase de oposición e na fase de concurso.

4º. Publicar este acordo no *Boletín Oficial do Parlamento de Galicia* e na páxina web corporativa.

5º. Comunicarlle este acordo ao Servizo de Persoal e Réxime Interior para a súa execución.

Santiago de Compostela, 16 de abril de 2026

Xosé Antón Sarmiento Méndez

Letrado oficial maior

Acordo da Mesa do Parlamento de Galicia, do 14 de abril de 2026, polo que se convoca o procedemento ordinario de recoñecemento de grao de carreira profesional para os empregados e as empregadas da Administración do Parlamento de Galicia

A Mesa do Parlamento aprobou o 17 de decembro de 2018 as Normas básicas da carreira profesional do persoal da Administración parlamentaria. No artigo 7 das anteditas normas establécese que se convocará anualmente, no primeiro cuadrimestre, o procedemento de recoñecemento de grao de carreira profesional para as empregadas e os empregados públicos incluídos no seu ámbito de aplicación.

Xa que logo, a Mesa adopta o seguinte ACORDO:

Primeiro. Ámbito subxectivo

Esta convocatoria está dirixida ao persoal funcionario e laboral do Parlamento de Galicia que se atope en servizo activo, ou en calquera das situacións que comporten reserva de praza ou posto de traballo, no momento desta convocatoria.

